

784/21-717

Bosna i Hercegovina
Federacija Bosne i Hercegovine
Zeničko-dobojski kanton
GRAD ZENICA

Služba za boračko-invalidsku i socijalnu zaštitu, stambene poslove i društvene djelatnosti
Trg BiH 6 - 72000 Zenica

Broj: 07-45- / 21
Zenica, 02.11.2021.godine

STRUČNA SLUŽBA GRADSKOG VIJEĆA

PREDMET: Nacrt Odluke o obilježavanju značajnih datuma, događaja i ličnosti Grad Zenica
- dostavlja se

Na Inicijativu udruženja, upite gradskih vijećnika te po zadatku sa Kolegija Gradonačelnika, Služba za boračko-invalidsku i socijalnu zaštitu, stambene poslove i društvene djelatnosti je pripremila Odluku o obilježavanju značajnih datuma, događaja i ličnosti Grad Zenica koja je u formi Nacrta i koju u dostavljenom tekstu treba da razmatra Gradsko vijeće.

Navedena Odluka je u pripremnoj fazi dostavljena na izjašnjenje svim gradskim službama, od kojih je svoje primjedbe dostavila Služba za finansije i Služba kabineta Gradonačelnika- Sektor za odnose s javnošću. Iste su razmatrane i uvrštene u pripremljeni tekst.

U skladu sa članom 35. Poslovnika o radu Gradskog vijeća („Službene novine Grada Zenica,, broj: 4/17, 4/20) u nadležnosti Komisije za obilježavanje značajnih datuma, događaja i ličnosti je utvrđivanje Program obilježavanja značajnih datuma, događaja i ličnosti.

Radi efikasnosti i ekonomičnosti u izvršavanju poslova, Služba je pripremila prijedlog Programa obilježavanja, značajnih datuma, događaja i ličnosti koji dostavljamo predmetnoj Komisiji.

S poštovanjem,

Dostavljeno:
1x Naslov
1x a/a



POMOĆNIK GRADONAČELNIKA

Sumea Mujkanović

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA**

NACRT

O B R A Ć I V A Ć :

Služba za boračko-invalidsku i socijalnu
zaštitu, stambene poslove i društvene djelatnosti

ODLUKA

o obilježavanju značajnih datuma, događaja i ličnosti Grada Zenica

novembar , 2021. godine

NACRT

Na osnovu člana 11. stav 2 i člana 21. tačka 2. Statuta Grada Zenica („Službene novine Grada Zenica“ broj:5/15), Gradsko vijeće Grada Zenica na sjednici održanoj _____ godine, donosi

ODLUKU O OBILJEŽAVANJU ZNAČAJNIH DATUMA, DOGAĐAJA I LIČNOSTI GRADA ZENICA

Član 1.

Ovom Odlukom uređuje se način obilježavanja značajnih datuma, događaja i ličnosti Grada Zenica.

Član 2.

U organizaciji Grada Zenica obilježavaju se značajni datumi i događaji kako slijedi:

- Statutom Grada utvrđeni značajni datumi : Dan Grada Zenice i Dan oslobođenja Zenice
- Zakonom proglašeni praznici: Dan nezavisnosti BiH i Dan državnosti BiH
- Zakonom određeni državni praznici (Nova godina , Međunarodni praznik rada, Dan pobjede nad fašizmom i Dan Evrope, Međunarodni dan podrške žrtvama torture)
- Zakonom određeni vjerski praznici

Komisija za obilježavanje značajnih datuma, događaja i ličnosti Gradskog vijeća Zenica može odrediti i druge značajne datume i događaje u Gradu Zenica a nosioci organizacije obilježavanja istih će biti određeni Programom obilježavanja značajnih datuma, događaja i ličnosti.

Član 3.

Na prijedlog Komisije za obilježavanje značajnih datuma,događaja i ličnosti Gradskog vijeća bit će donesene posebne odluke o proglašenju ličnosti od značaja za Grad Zenicu.

Član 4.

Način obilježavanja značajnih datuma, događaja i ličnosti Grada Zenica detaljno se uređuje Programom obilježavanja značajnih datuma, događaja i ličnosti .

Program iz prethodnog stava utvrđuje Komisija za obilježavanje značajnih datuma,događaja i ličnosti Gradskog vijeća Zenica.

Član 5.

Program obilježavanja značajnih datuma, događaja i ličnosti sadrži datume i događaje koji se obilježavaju, ceremonijalne aktivnosti, nosioce aktivnosti. Program čini sastavni dio ove Odluke.

Član 6.

Nosioci aktivnosti utvrđeni Programom obavezuju se da planiraju aktivnosti, organizuju i provedu sve potrebne radnje s ciljem dostojanstvenog obilježavanja značajnih datuma i događaja.

Član 7.

Grad Zenica može biti suorganizator odnosno pružiti potrebnu pomoć u organizovanju i drugih značajnih datuma, događaja i ličnosti ako je ta pomoć potrebna organizatoru.

Član 8.

Sredstva za finansiranje obilježavanja značajnih datuma i događaja Grada Zenica iz člana 2. stav 1. Odluke obezbjeđuju se u budžetu Grada Zenica na budžetskim pozicijama Gradonačelnika, Službe kabineta Gradonačelnika, Stručne službe Gradskog vijeća i po potrebi drugih gradskih službi.

Aktivnosti u kojima je Grad nosilac organizacije provode se putem Službe kabineta Gradonačelnika i Stručne službe Gradskog vijeća ili drugih službi koje ovlasti Gradonačelnik. Za provođenje aktivnosti obilježavanja značajnih datuma i događaja čiji je nosilac Grad, Gradonačelnik može formirati Organizacioni odbor.

Član 9.

Ova Odluka stupa na snagu narednog dana od dana objavljivanja u Službenim novinama Grada Zenica.

Broj: 01-
Zenica,

PREDSJEDAVAJUĆI GRADSKOG VIJEĆA

Mirza Husetić

OBRAZLOŽENJE

I PRAVNI OSNOV

Pravni osnov za donošenje ove Odluke sadržan je u Statutu Grada Zenica ("Službene novine Grada Zenica" broj: 05/15), gdje je članom 21. tačka 2. propisano da je u nadležnosti Gradskog vijeća da "donosi odluke i druge opće akte iz samoupravnog djelokruga rada Grada", a članom 11. stav 2. regulisano da se Grad bavi i drugim poslovima od lokalnog značaja a tiču se njegovanja tradicionalnih vrijednosti a posebno kulturnog naslijeđa, kao i očuvanja prirodne baštine, te historijskog, kulturnog i graditeljskog naslijeđa.

II RAZLOZI ZA DONOŠENJE

Donošenje ove Odluke je neophodno radi realizacije Programa za obilježavanje značajnih datuma, događaja i ličnosti čije je utvrđivanje shodno članu 35. Poslovnika o radu Gradskog vijeća ("Službene novine Grada Zenica" broj: 4/17, 4/20) u nadležnosti Komisije za obilježavanje značajnih datuma, događaja i ličnosti, te zahtjevi nevladinog sektora da se jedinstvenim aktom uredi obilježavanje datuma, događaja i ličnosti značajnih za Grad Zenica.

III FINANSIJSKA SREDSTVA

Za provođenje ove Odluke obezbjeđena su sredstva u budžetu Grada Zenica za obilježavanje događaja kojima je nosilac organizacije Grad Zenica, dok su sredstva za obilježavanje drugih događaja iz Programa planirana u budžetima nosilaca organizacije.